

Arkiv: <arkivID><jpID> FE-033, HistSak-14/3748
JournalpostID:
Sakshandsamar:
Dato: 16.11.2021

Saksframlegg

Saksnr.	Utval	Møtedato
149/21	Alver kommunestyre	25.11.2021

Spørsmål/interpellasjoner 25.11.2021

Alver kommunestyre 25.11.2021:

Handsaming:

1. Interpellasjon L.Johnsen-MDG:

Interpellasjon om gjentakande ulovlege inngrep frå næringsaktørar i og nær Mjåtvitvassdraget.

Bakgrunn:

Det overraskande funnet av 120 levande muslingar i Mjåtvitelva i mars i år er no i november stadfesta i ei teljing som viser ein stamme opp mot 400 individ. Under teljinga er det også observert sjøaure, laks og ål i elva. Dette kan ein nok takke vernetiltaka som i (årstal?) blei etablert i samarbeid med Liegruppen. Desse vernetiltaka har likevel vist seg å være underdimensjonert og delvis feilkonstruerte og treng vedlikehald. Ein demning i reinseparken er også kraftig skadd etter trefelling i området.

Dei siste åra har det vore fleire alvorlege forureining- og forureiningstrugande episodar i nedslagsfeltet og i kantsona til Mjåtvitvassdraget. Historia viser at næringsverksemd og utbygging utgjer den største faren for den raudlista elvemuslingen i elva:

- Hogst i kantsona og transport av tømmer over elva og reinsedam som skada demning, juni 2018.
- Lekkasje frå ein tank med flytande reingjeringsmiddel frå Mjåtvit næringspark, mars 2019.
- Tilsig av slam og dynamittstøv frå utbygging på Mjåtvitmarka, februar, mars og desember 2019.
- Ulovleg igangsetting av mobil steinknusar på Mjåtvit næringspark, desember 2020.
- Avrenning frå jordmassar siste 16 åra.
- Dumping av sprengingsmatter i avrenningsfeltet til vassdraget, Mjåtvit næringspark, oktober 2021.
- Ulovleg fjerning av kantvegetasjon i vernesona, Frekhaug, 15. nov. 2021.

Mjåtvit Næringspark eit risikoområder, der både store aktørar som Vassbakk og Stol og mindre fast etablert verksemder har ansvar for forureiningsepisodar. Det er ikkje tillitvekkande at dei opptrer som om dei er uvitande om vilkår og regler i området, kloss opp til vernedammene og reinseparken i Kloppedalsbekken, ein viktig gyte og oppvekstbiotop for Mjåtviteleva.

Nye aktørar, som er ukjente med vernekrava i området, kjem stadig til i parken, og nye, store utbyggingsar skal snart starte opp nær Kloppedalsbekken, eit høgrisikoområde for forureining, med vernedammar som er skadde og oppfylte med mudder. Dei fungerte bra som nye - og når aktørane har følgt pålagte vernetiltak. Dei må nå tømmast, reparerast og oppgraderast for å fungere med den store utbygginga som nå kjem.

Men den aller siste episoden, med fjerning av verna kantvegetasjon ved hovudløpet av Mjåtvitelva på Frekhaug, viser også at andre store aktørar som Mesta, og eit lokalt trefellingsfirma heller ikkje

kjenner reglane for aktivitet langs elva.

Mjåtveitelvens forening har varsla mange forureiningsepisodane og meldt ein til politiet. Men nye episodar skjer altså stadig, trass i at statsforvaltar gjentekne gongar har presisert at forureining til vassdraget «ikkje skal skje».

At kommunen gjer jobben og stoppar ulovleg verksemd, stoppar ikkje at forureining skjer. Stopp og dagmulkt rettar ikkje opp forureininga. Om forureining «ikkje skal skje» avheng av næringsaktørane og utbyggjarane.

Historia har ikkje bare vist uheldige episodar, men òg at ein kan oppnå mye med god dialog og godt samarbeid, mellom Mjåtveit Næringspark og aktørane der og langs heile Mjåtveitelva, kommune, fylke og Mjåtveitelvens forening, som har status som part i sakene som gjeld Mjåtveitvasdraget.

Vesentlege spørsmål for å verne den nyoppdaga muslingstammen blir derfor:

- Korleis kan næringsverksemndene rundt Mjåtveitvassdraget ta sitt miljø- og naturansvar på alvor, slutte ulovleg praksis og rette seg etter statsforvaltaren sitt påbod, at «forureining ikkje skal skje»?
- Kva rolle kan Alver kommune ta for å oppnå dette?

Spørsmålet til ordføraren:

- Vil ordføraren ta initiativ til eit samarbeid med næringslivsorganisasjonane i kommunen og aktuelle entreprenørfirma og andre verksemder med formål å forhindre nye forureiningsepisodar til Mjåtveiteleva frå næringsverksemd og utbygging, slik at «forureining til Mjåtveitvassdraget ikkje skjer» slik statsforvaltaren krev?

Svar frå ordførar:

Alver kommune har starta eit arbeid med utarbeiding av ein tiltaksplan for Mjåtvetvassdraget som følgje av at det er funne levande elvemuslinger. Den overordna målsettinga med ein tiltaksplan er å sikre elvemuslingbestanden i Mjåtveitvassdraget på kort og lang sikt.

Tiltaksplanen skal rette seg mot faktorar som påverkar vassdraget negativt, innehalde aktuelle tiltak og vidare opplegg for oppfølging av desse.

Inn i arbeidet med utarbeiding av tiltaksplanen vil medverknad frå andre vera viktig. Det vil og bli vurdert om det bør opprettast eit nettverk/fagråd for Mjåtveitvassdraget der ulike interessentar saman med kommunen kan møtast og oppdaterast seg på status for vassdraget, forslag til tiltak og såleis også sikra god informasjonsutveksling.

Alver kommune har og nyleg hatt eit møte med Mjåtveitelvens foreining, der tema for møte var utbygging langs elva og korleis ivareta elva.

2. Spørsmål N.Bognøy-AP:

Viser til ordning om tilskot for personar med nedsett funksjonsevne.

Ordninga det gjeld er personar-husstandar der ein har behov for små eller store ombygginger og eller tilpassingar i heimen.

Ein kan lese på Husbanken sine heimesider at ein kan söka om tilskot til profesjonell prosjekteringshjelp i arbeidet med ei ombygging eller tilpassing av bustad.

Dømer på kva prosjekteringsbistand skal kartlegga:

- Mulighetar og avgrensingar i bustad
- Uteområder og tilkomst
- Tilgjengelighet inne

- Arealbehov
- Innredning og fungerande tilstand

Dette er noke ein kan søka kommunen om støtte til. Samstundes kan ein og lesa, ref. Husbanken sine sider, at ikkje alle kommunar tilbyr tilskot.

Ein har ei forståing av at dette er ei ordning som er overført frå Husbanken til kommunane.

-Korleis har Alver kommune organisert seg ihh. nemde ordning?

-Kjem event midlar til dette som øyremarker midler, i ramma med eller utan føringar for bruk, eller frå Husbanken?

Svar frå ordførar:

Spørsmål 1, Korleis har Alver kommune organisert seg ihh. nemde ordning?

I Alver kommune kan ein søke tilskot til utgreiing og prosjektering, bustadttilskot og startlån.

Tilskott kan gis når nokon i husstanden har nedsett funksjonsevne og har behov for profesjonell hjelp til utgreiing og prosjektering i forkant av eventuell tilpassing eller ombygging av sin bustad.

Søknadene vert handsama hjå Bustadkontoret i Alver. Bustadkontoret samarbeider med kommunen si drift- og vedlikehaldsavdeling og ergoterapistenestene i tidleg kartleggingsfase når det gjeld bustadtillpassing. På den måten kan ein vurdere tiltak for søker i ein heilskap; både kva som er mogelege byggtekniske løysingar og kva tiltak som vil gje søker ein funksjonell bustad tilpassa sine behov.

Søknadsskjema finn ein på Alver kommune sine nettsider.

Spørsmål 2, Kjem event midlar til dette som øyremarker midler, i ramma med eller utan føringar for bruk, eller frå Husbanken?

Stortinget vedtok å innlemme tilskot til etablering, tilskot til tilpassing og tilskot til utgreiing og prosjektering i kommuneramma frå 2020. Midlane kjem i ein samla pott til Alver kommune. Midlane er altså ikkje øyremerket etter 2020 og kommunen må sjølv sikre at midlane vert avsett i budsjett til desse formåla.

3. Spørsmål A.Aa.Byrknes-KRF:

Behovet for ny gravplass på Lindås er vel kjent, og var ei sak tidl Lindås kyrkjelege fellesråd jobba mykje med.

Alver KF overtok saka, og etter meir klargjering sendte prosjektleiari i Akasia Eiendom søknad til kommunen i juli 2020: om rammeløyve for utviding av gravplass.

Alver Kommune har deretter brukt lang tid på saksbehandlinga. Etter fleire møter fekk AKF i november 2020 avslag på søknaden.

Etter avslaget har Alver KF, i samarbeid med sin prosjektleiari Akasia Eiendom, endra planen i tråd med innvendingane. I juni 2021 sendte dei ny søknad. Det er nå omrent 5 md siden.

AKF har forsøkt gjentatte gonger å få svar frå kommunen. I oktober 2021 fekk dei eit Teamsmøte, etter det har dei ikkje hørt noko.

Fellesrådet er motlause, og det begynner å minka på ledige graver på Lindås. Det vil ta om lag 2 år å bygge ny gravplass.

Spørsmål:

Kan ordfører orientere kor saka står i kommunen, og når tid kan AKF få tilbakemelding frå kommunen slik at dei kjem vidare i prosessen som hastar.

Svar frå ordførar:

Det er gjort ei vurdering av at behovet for ny vegtrasé til gravplassen kan løysast gjennom søknad om dispensasjon. I eit møte med Lindås sokn den 18.10.21 kom det fram at dei meiner at det er Alver kommune sitt ansvar å sørge for areal til etablering av ny vegtrasè (grunnavtale) og iverksette søknadsprosess. Arealet for vegtraseen ligg på ein privat eigedom. Kyrkjeleg fellesråd sin daglege leiar har gitt uttrykk for at grunneigar er positiv til å avstå grunn. Før ein avsluttar prosessen med dispensasjonssøknad må ein avklare om grunneigar vil avstå grunn frivillig (dette inkluder avtale om pris).

Dersom grunneigar ikkje vil avstå grunn frivillig, må ein starta prosessen med reguleringssendring som kan gje grunnlag for ekspropriasjon. Kommunen er i prosess i høve nødvendig avklaring.

KO- 149/21 Vedtak:

Vedlegg i saken:

16.11.2021	Interpellasjon nov 2021	1644186
18.11.2021	Spørsmål kommunestyret 25.11.2021	1645811